

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj:
Gračanica: 2023.godine

Na osnovu člana 16. Statuta Grada Gračanica („Službeni glasnik Grada Gračanica“, broj: 01/23), i člana 23. Odluke o izvršavanju Budžeta Grada Gračanica za 2023.godinu („Službeni glasnik Grada Gračanica“, broj: 12/22) Gradsko vijeće Grada Gračanica, na sjednici održanoj _____ 2023.godine, d o n o s i

O D L U K U

o izmjeni Odluke o kriterijima za raspodjelu sredstava planiranih za rad mjesnih zajednica i sredstava za održavanje puteva u mjesnim zajednicama

Član 1.

U Odluci o kriterijima za raspodjelu sredstava planiranih za rad mjesnih zajednica i sredstava za održavanje puteva u mjesnim zajednicama broj: 01-05-00591-2010 od 29.01.2010.godine („Službeni glasnik Općine Gračanica“, broj: 01/10), Član 3. mijenja se i glasi:

„Sredstva raspoređena po kriterijima iz stava 1. prethodnog člana će se doznačavati mjesnim zajednicama krajem mjeseca za tekući mjesec u skladu sa Odlukom o izvršavanju Budžeta Grada Gračanica.“

Član 2.

U uvodu i cjelokupnom tekstu Odluke u odgovarajućim padežima nazivi: „Općina, Općine“ zamjenjuje se nazivima: „Grad, Grada“, dok se nazivi „Općinsko vijeće Gračanica“ i „Općinski načelnik“ zamjenjuju nazivima „Gradsko vijeće Gračanica“ i „Gradonačelnik“.

Član 3.

Ova Odluka stupa na snagu danom objavljivanja u „Službenom glasniku Grada Gračanica“.

PREDSJEDAVAJUĆI
GRADSKOG VIJEĆA
Mirzet Topčagić

OBRAZLOŽENJE

Pravni osnov za donošenje Odluke je član 23. Odluke o izvršavanju Budžeta Grada Gračanica za 2023. Godinu („Službeni glasnik Grada Gračanica“, broj: 12/22) kojim je propisano da se sredstva za održavanje puteva u mjesnim zajednicama iz Budžeta raspoređuju na osnovu Odluke koju donosi Gradsko vijeće.

RAZLOZI DONOŠENJA

Općinsko vijeće Gračanica donijelo je Odluku o kriterijima za raspodjelu sredstava planiranih za rad mjesnih zajednica i sredstava za održavanje puteva u mjesnim zajednicama 29.01.2010. godine.

U proteklom periodu tokom implementacije ove Odluke, došlo je do promjene potreba za održavanje puteva u mjesnim zajednicama. Naime, vršena je zajednička nabavka rizle za posipanje makadamskih puteva i u skladu sa kriterijima iz stava 1. Člana 2. Vršena je raspodjela materijala na način da su mjesne zajednice vršile preuzimanje materijala kod odabranog dobavljača uz obezbjeđenje vlastitog prijevoza. Obzirom na činjenicu da se svake godine vrši sanacija puteva u mjesnim zajednicama i asfaltiranje istih, to su potrebne količine rizle sve manje a potrebe za održavanje asfaltiranih puteva sve veće. Naravno situacija u svim mjesnim zajednicama nije ista, te se izmjenama ove Odluke želi ostaviti mjesnim zajednicama da u okviru raspoloživih i doznačenih sredstava utvrđuju prioritete u održavanju puteva kako bi na najbolji mogući način odgovorili potrebama građana za neometano saobraćanje na putevima u mjesnim zajednicama.

Za izmjene i dopune ove Odluke nema potrebe za povećavanje sredstava u Budžetu Grada Gračanica.